



19 JAN, 2024

Selangor perluas kaerah tanam padi Sekinchan

Berita Harian, Malaysia

Page 1 of 2

Selangor perluas kaerah tanam padi Sekinchan

Shah Alam: Kerajaan negeri merancang memperluas kaerah penanaman padi di Sekinchan dalam daerah Sabah Bernam ke kawasan lain di Selangor.

Menteri Besar, Datuk Seri Amirudin Shari, berkata usaha itu selaras dengan inisiatif 'Gelombang Padi' yang diumumkan Kerajaan Persekutuan, memandangkan hasil padi di kawasan itu lebih tinggi dan berkualiti, berbanding kawasan penanaman lain di Selangor.

Katanya, beliau memberi tanggungjawab khas kepada dua EXCO kerajaan negeri yang juga Ahli Dewan Undangan Negeri (ADUN) di kawasan penanaman padi, iaitu Datuk Ng Suee Lim dan Datuk Rizam Ismail bagi menguruskannya.

"Tugas ini kita berikan antaranya untuk melihat bagaimana kaerah mengembangkan formula penanaman di Sekinchan ke beberapa lokasi lain di Kuala Selangor dan Sabak Bernam.

"Pengeluaran padi Sekinchan



Amirudin (duduk tengah) pada Majlis Graduasi Sekolah Digital Selangor di Shah Alam, semalam. (Foto BERNAMA)

agak tinggi dan jumlahnya tidak sama serta berbeza dengan pengeluaran padi di tempat lain, antaranya di Tanjung Karang dan Sungai Panjang," katanya selepas Majlis Graduasi Sekolah Di-

gital Selangor di sini, semalam. Amirudin berkata, kaerah penanaman format lama iaitu tanam, tinggal dan tuai tidak boleh dilaksanakan dalam usaha memastikan hasil padi ke tahap

yang optimum.

"Ini bukan sekadar jentera dan teknologi tetapi juga bagaimana teknik dan kaerah penjagaan sepanjang musim padi.

"Bukan lagi 3T iaitu tanam,

tinggal dan tuai. Jadi, ini yang akan kita kembangkan," katanya.

Sebelum ini, Amirudin berkata, hasil padi di Sekinchan yang tertinggi dalam negara dengan setiap hektar mampu menghasilkan 12 tan padi berbanding negeri lain, kira-kira empat tan.

Katanya, Selangor akan menarapkan pelbagai teknologi dan teknik terkini bagi memastikan hasil yang terbaik.

Menteri Pertanian dan Keterjaminan Makanan, Datuk Seri Mohamad Sabu mengumumkan inisiatif 'Gelombang Padi' di gerakkan tahun ini bagi mengangkat industri padi dan beras negara ke tahap lebih cekap dan berdaya tahan.

Katanya, kementerian itu menggariskan 12 program untuk dilaksanakan menerusi inisiatif berkenaan sebagai 'pencetus perubahan' bagi transformasi industri padi dan beras negara, antaranya memperkenal dasar baharu Insentif Benih Padi Sah.



19 JAN, 2024

Selangor perluas kaerah tanam padi Sekinchan

Berita Harian, Malaysia

Page 2 of 2

SUMMARIES

Shah Alam: Kerajaan negeri merancang memperluas kaerah penanaman padi di Sekinchan dalam daerah Sabak Bernam ke kawasan lain di Selangor. Menteri Besar, Datuk Seri Amirudin Shari, berkata usaha itu selaras dengan inisiatif 'Gelombang Padi' yang diumumkan Kerajaan Persekutuan, memandangkan hasil padi di kawasan itu lebih tinggi dan berkualiti, berbanding kawasan penanaman lain di Selangor.